

Utval: Utval for kultur, idrett og regional utvikling
Møtestad: Synfaringar og orienteringar i Austrheim. Møte på Kilstraumen brygge
Dato: 20.03.2018
Tidspunkt: Avreise frå Bergen kl. 08.00. Møte kl. 13.20-16.00. Retur til Bergen kl. 17.10

Følgjande faste medlemmer møtte:

Namn	Funksjon	Parti	Merknad
Beate Husa	Leiar	KrF	
Kjell Gitton Håland	Nestleiar	A	
Espen Berntsen	Medlem	A	
Katrin Innvær Ankervold	Medlem	A	
Gunn Berit Lunde Aarvik	Medlem	A	
Olav Kvinge	Medlem	H	
May- Eva Sandvik	Medlem	H	
Neshe Lie	Medlem	H	
Sara Hamre Sekkingstad	Medlem	Sp	
Geir Kjell Andersland	Medlem	V/MDG	

Følgjande medlemer hadde meldt forfall:

Namn	Funksjon	Parti
Siri Klokkestuen	Medlem	A
Gunnar Bakke	Medlem	Frp
Anita Garlid Johannessen	Medlem	Frp

Følgjande varamedlemer møtte:

Namn	Møtte for	Parti	
Kari Foseid Aakre	Siri Klokkestuen	A	
Magne Djuvik	Gunnar Bakke	Frp	Møtte ikkje
Rosalind Fosse	Anita Garlid Johannessen	Frp	

Frå administrasjonen møtte:

Namn	Stilling
Per Morten Ekerhovd	Kst. fylkesdirektør kultur og idrett
Ronny Skaar	Utviklingssjef, kultur- og idrettsavdelinga
David Aasen	Kst. fylkeskonservator
Britt-Karen Spjeld	Fylkesidrettssjef
Ruth Ørnholt	Fylkesbiblioteksjef
Eva Katrine Ritland Taule	Seniorrådgjevar, regionalavdelinga
Sølve Dag Sondbø	Klima- og naturressurssjef, regionalavdelinga
Odd Kenneth Mellingen	Stabsleiar kultur- og idrettsavdelinga
Gro Stien Thorvaldsen	Seniorrådgjevar, fylkessekretariatet

Gro Stien Thorvaldsen
sekretær

Sakliste

Utvals- saknr	Innhald	Arkiv- saknr	U.Off.
PS 26/18	Godkjenning av innkalling og sakliste		
PS 27/18	Godkjenning av møtebok frå førre møte		
PS 28/18	Referatsaker (meldingar)		
RS 14/18	Folkehelseundersøking i Hordaland	2017/4780	
RS 15/18	Prosjekttilskot: Rom for møte 2018	2017/63	
RS 16/18	Rapport for 2017	2017/2627	
RS 17/18	Idrettscampus Bergen - referat frå møte i styringsgruppa 16. februar 2018	2016/299	
RS 18/18	Idrettscampus Bergen - invitasjon til debatt	2016/299	
RS 19/18	Idrettscampus Bergen - invitasjon til innspelsmøte knytt til ny nasjonal handlingsplan for fysisk aktivitet	2016/299	
RS 20/18	Høring - forslag til endringer i forskrift om kontroll av nettvirksomhet (tariffer) ref: 201706767	2018/8060	
RS 21/18	Tilskot til utbygging av breiband i 2018	2018/8044	
RS 22/18	Handlingsprogram for nærings- og samfunnsutvikling i Hordaland 2018 - 2019 -Tildelingsbrev til Innovasjon Norge Hordaland 2018 – kr. 23 440 000 Tilsegn-030-2018.	2018/8106	
RS 23/18	Velkommen til NOKU-konferansen 2018!	2017/181	
RS 24/18	Invitasjon til Riksantikvarens Utviklingsnett 19. april i Stavanger	2017/181	
RS 25/18	Svar til PS 14/18 i Utval for kultur, idrett og regional utvikling	2018/64	
PS 29/18	Kommuneplanen sin arealdel i Austrheim kommune 2017-2027. Andre gongs høyring.	2016/4091	
PS 30/18	Fråsegn til endring av manøvreringsreglement for Eidfjord Nord utbygginga - Bjoreio - Statkraft Energi AS.	2018/3162	
PS 31/18	Søknad om ny straumkabel til Storbritannia. Høyringsfråsegn.	2018/7575	
PS 32/18	Northern Lights - fråsegn til program for konsekvensutgreiing	2018/7357	
PS 33/18	Prioritering av søknader om tilskot til statleg sikring av friluftsområder 2017 (Kap.1420 post 30)	2018/7365	
PS 34/18	Tilskot til freda kulturminne i privat eige, kulturmiljø og kulturlandskap i Hordaland. Fordeling 2018	2017/14818	
PS 35/18	Ny tilskotsordning for elitekorps - innretting og kriteria	2018/962	
PS 36/18	Handlingsplan cruisestrategi for Vestlandfylka 2018-2020	2015/248	
PS 37/18	Kjelda - eit digitalt innhaldsprosjekt	2017/1575	
PS 38/18	Fordeling av midlar til modellbibliotek I Hordaland 2018	2018/113	
PS 39/18	Evaluering av bokbåttenesta	2015/1160	
PS 40/18	Ymse		

PS 26/18 Godkjenning av innkalling og saksliste

Saksprotokoll i utval for kultur, idrett og regional utvikling - 20.03.2018

Referatsakene 23-25 var ettersendt 19.03.2018.

Vedtak

Innkalling og sakliste vart godkjent med merknaden over.

PS 27/18 Godkjenning av møtebok frå forrige møte

Saksprotokoll i utval for kultur, idrett og regional utvikling - 20.03.2018

Vedtak

Møteprotokollen frå møte i utval for kultur, idrett og regional utvikling 13.02.2018 vart godkjent utan merknader.

PS 28/18 Referatsaker (meldingar)

Saksprotokoll i utval for kultur, idrett og regional utvikling - 20.03.2018

I samband med RS 21/18 «Tilskot til utbygging av breiband i 2018» etterspurde May-Eva Sandvik kriterium for tildeling. Kst. fylkesdirektør kultur og idrett svarte.

I samband med RS 24/18 «Invitasjon til Riksantikvarens Utviklingsnett 19. april i Stavanger» kan ein frå «opposisjonen» og ein frå «posisjonen» delta. Utvalsleiaren bad dei som er interesserte i å delta om å melde frå til henne.

I samband med RS 23/18 «Velkommen til NOKU-konferansen 2018!» Utvalsleiaren bad dei som er interesserte i å delta om å melde frå til kst. fylkesdirektør kultur og idrett.

RS 14-25/18 vart tekne til orientering.

PS 29/18 Kommuneplanen sin arealdel i Austrheim kommune 2017-2027. Andre gongs høyring.

Forslag til vedtak

1. Utval for kultur, idrett og regional utvikling vurderer arealdelen til kommuneplanen som eit tenleg styringsreiskap for Austrheim kommune, med tydelege føresegner, planskildring og plankart.
2. Utval for kultur, idrett og regional utvikling viser til Regional plan for attraktive senter i Hordaland, og ber om at sentrumsutstrekning og føresegn om handel vert innarbeidd i kommuneplanen. Regional føresegn har direkte rettsverknad for kommunar og private utbyggjarar, og må difor innarbeidast i kommuneplan. Det er knytt motsegn til dette punktet.
3. Utval for kultur, idrett og regional utvikling viser til vedtakspunkt ved første gongs høyring om bustadbygging ved Vardetangen (B40), Ervikane (B42) og Utkilen (B43, B44), og rår på nytt Austrheim kommune til ta desse områda ut av planforslaget. Områda ligg usentralt til og kjem i konflikt med miljø- og landskapsverdiar.
4. Utval for kultur, idrett og regional utvikling meiner det nye forslaget om bustadareal på Toftegård (B45) i for stor grad medfører negative konsekvensar for ålmenta og miljøverdiar. Det er ledige regulerte bustadtomter i nærleiken, dårleg vegtilkomst og arealet ligg langt frå service- og offentlege tilbod. Utvalet ber om at forslaget vert tatt ut av planforslaget. Det er knytt motsegn til dette punktet.

5. Utval for kultur, idrett og regional utvikling vil trekke frem verdiane i Øksnesmarka, i høve til friluftsliv, folkehelse, landskap, kulturminner og naturmangfald. Ny kunnskap sidan vedtak av gjeldande kommuneplan (2006) har ytterlegare forsterka desse verdiane. Det er difor viktig at kommunen veg næringsinteresser opp mot miljøomsyn og andre samfunnsinteresser. Bruk av Øksnesmarka som næringsområde er konfliktfylt i høve desse verdiane. Utvalet rår difor i frå å legge til rette for næringsareal (N18) i Øksnesmarka.
6. Utvalet for kultur, idrett og regional utvikling rår kommunen til å ta inn føresegn som tydeleggjer behovet for sikker overvasshandtering i tettbygde stromk der fortetting er ein av dei kommunale arealstrategiane.
7. Utvalet for kultur, idrett og regional utvikling meiner at planen ikkje godt nok følgjer opp motsegnspunkt frå førre høyringsrunde. I tråd med dialog med kommunen, må følgjande punkt endrast i planen:

I: Legg følgjande føresegn til § 3.2 Spreidd byggeområde (bustad, næringsbygg, fritidsbusetnad)
«Alle nye tiltak i LNF-område med spreidd byggeområde skal sendast Hordaland fylkeskommune for vurdering av kulturminneinteresser og for å oppfylle undersøkingsplikta, jf. kulturminnelova §§ 3, 8 og 9».

II: Legg følgjande retningsline til § 4.2.5 Bevaring kulturmiljø (H570)
«Ved utarbeiding av reguleringsplanar og gjennomføring av tiltak på enkeltobjekt eller område innfor omsynssone kulturmiljø skal kulturhistoriske verdier takast vare på og sikrast varig vern»

III: Legg inn bandlagt område (H730) i plankart for mellomalderkyrkjegard på Austrheim (askeladden id 83830-4)

Kommunen må legge følgjande føresegn til § 4.2.6 Bandlagt kulturminne (H730) mellomalderkyrkjegard id 83830-4: *«Mellomalderkyrkjegarden er eit automatisk freda kulturminne. Innanfor mellomalderkyrkjegarden er gravlegging berre tillate i gravfelt som har vore i kontinuerleg bruk etter 1945. Gravfelt som ikkje har vore i bruk etter 1945 skal ikkje brukast til gravlegging eller andre inngrep.»*

«Alle inngrep i grunnen eller andre tiltak som kan verke inn på det automatisk freda kulturminnet er ikkje tillate utan etter dispensasjon frå kulturminnelova. Eventuell søknad om løyve til inngrep skal sendast rette kulturminnestyresmakt, Riksantikvaren, i god tid før arbeidet er planlagt sett i gang. Kostnader knytt til nødvendige undersøkingar og eventuelle arkeologiske utgravingar vert belasta tiltakshavar.»

8. Utvalet for kultur, idrett og regional utvikling har følgjande særskilde merknader når det gjeld kulturminne:
 - Planlagt bustadområde B45 og planlagt næringsområde ved Øksnesmarka N18 har stort potensial for funn av arkeologisk kulturminne. Dette er ikkje tilfredsstillande dekt i konsekvensutgreiinga.
 - Vi saknar ei vurdering av konsekvensane nye byggeområde vil ha for den *Indre farleia - kulturhistoriske landskap av nasjonale interesse*.
 - Nokre nye byggeområde bør ha plankrav for å ta tilstrekkeleg omsyn til kulturminneinteresse i den vidare prosess. Dette gjeld:
 - Bergsvika - tiltak 116 side 30 i KU - NA/SH
 - Austrheimsvågen - tiltak 118 side 38 i KU naust og småbåthamn
9. Utval for kultur, idrett og regional utvikling meiner akvakultur i ikkje er godt nok ivaretatt i planframlegget frå Austrheim kommune. Det er knytt motsegn på følgjande punkt:
 - Akvakulturanlegget ved Øksneset må sikrast tilstrekkeleg areal og tilpassast faktisk plassering.
 - Føresegn knytt til regulering av maksimal produksjon på akvakurområdet ved Trøvika vert teke ut av planen sidan dette er forhold som vert regulert i anna lovverk, der sektorlovverket har tildelings- og tilsynsansvar.
10. Utval for kultur, idrett og regional utvikling har særlege merknader når det gjeld akvakultur:

- Det bør gjerast unntak i føresegn for at det på akvakulturanlegg kan gjerast alle typar endringar utan krav om reguleringsplan.
- Det bør takast inn ei føresegn som sikrar utlegging av fortøyingar i område for ferdsel i Hoplandsosen.

Saksprotokoll i utval for kultur, idrett og regional utvikling - 13.02.2018

Kjell Håland (A) sette på vegner av A, KrF og Sp fram slikt forslag:

«Utval for kultur, idrett og regional utvikling utset saka og ber om synfaring i Austrheim kommune – med særleg fokus på punkt 3, 4 og 5 i fylkesrådmannen sitt framlegg.»

Røysting (forslaget om utsetjing)
Håland sitt forslag vart samrøystes vedteke.

Vedtak

Utval for kultur, idrett og regional utvikling utset saka og ber om synfaring i Austrheim kommune – med særleg fokus på punkt 3, 4 og 5 i fylkesrådmannen sitt framlegg.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

May-Eva Sandvik (H) sette på vegner av H og Frp fram slik forslag:

«Alternativ til punkt 5:

Utvalet rår til å leggje til rette for næringsareal i Øksnesmarka.»

Kjell Håland (A) sette fram slik forslag:

«Endring punkt 4:

Som fylkesrådmannen sitt forslag, minus dei to siste setningane.»

Røysting

Fylkesrådmannen sitt forslag punkt 1 og 2 vart samrøystes vedteke.
Fylkesrådmannen sitt forslag punkt 3 vart vedteke mot 4 røyster (H, Frp).
Fylkesrådmannen sitt forslag punkt 4 fekk 3 røyster (V, Sp, KrF) og fall.
Håland sitt forslag punkt 4 fekk 9 røyster (A, Frp, H) og vart vedteke.
Fylkesrådmannen sitt forslag punkt 5 vart vedteke med 8 røyster mot 4 røyster (H, Frp) for Sandvik sitt forslag punkt 5.
Fylkesrådmannen sitt forslag punkt 6-10 vart samrøystes vedteke.

Vedtak

1. Utval for kultur, idrett og regional utvikling vurderer arealdelen til kommuneplanen som eit tenleg styringsreiskap for Austrheim kommune, med tydelege føresegner, planskildring og plankart.
2. Utval for kultur, idrett og regional utvikling viser til Regional plan for attraktive senter i Hordaland, og ber om at sentrumsutstrekning og føresegn om handel vert innarbeidd i kommuneplanen. Regional føresegn har direkte rettsverknad for kommunar og private utbyggjarar, og må difor innarbeidast i kommuneplan. Det er knytt motsegn til dette punktet.
3. Utval for kultur, idrett og regional utvikling viser til vedtaks punkt ved første gongs høyring om bustadbygging ved Vardetangen (B40), Ervikane (B42) og Utkilen (B43, B44), og rår på nytt Austrheim kommune til ta desse områda ut av planforslaget. Områda ligg usentralt til og kjem i konflikt med miljø- og landskapsverdiar.

4. Utval for kultur, idrett og regional utvikling meiner det nye forslaget om bustadareal på Toftegård (B45) i for stor grad medfører negative konsekvensar for ålmenta og miljøverdiar. Det er ledige regulerte bustadtomter i nærleiken, dårleg vegtilkomst og arealet ligg langt frå service- og offentlege tilbod.
5. Utval for kultur, idrett og regional utvikling vil trekke frem verdiane i Øksnesmarka, i høve til friluftsliv, folkehelse, landskap, kulturminner og naturmangfald. Ny kunnskap sidan vedtak av gjeldande kommuneplan (2006) har ytterlegare forsterka desse verdiane. Det er difor viktig at kommunen veg næringsinteresser opp mot miljøomsyn og andre samfunnsinteresser. Bruk av Øksnesmarka som næringsområde er konfliktfylt i høve desse verdiane. Utvalet rår difor i frå å legge til rette for næringsareal (N18) i Øksnesmarka.
6. Utvalet for kultur, idrett og regional utvikling rår kommunen til å ta inn føresegn som tydeleggjer behovet for sikker overvasshandtering i tettbygde stork der fortetting er ein av dei kommunale arealstrategiane.
7. Utvalet for kultur, idrett og regional utvikling meiner at planen ikkje godt nok følgjer opp motsegnspunkt frå førre høyringsrunde. I tråd med dialog med kommunen, må følgjande punkt endrast i planen:

I: Legg følgjande føresegn til § 3.2 Spreidd byggeområde (bustad, næringsbygg, fritidsbusetnad)
«Alle nye tiltak i LNF-område med spreidd byggeområde skal sendast Hordaland fylkeskommune for vurdering av kulturminneinteresser og for å oppfylle undersøkingsplikta, jf. kulturminnelova §§ 3, 8 og 9».

II: Legg følgjande retningsline til § 4.2.5 Bevaring kulturmiljø (H570)
«Ved utarbeiding av reguleringsplanar og gjennomføring av tiltak på enkeltobjekt eller område innafor omsynssone kulturmiljø skal kulturhistoriske verdiar takast vare på og sikrast varig vern»

III: Legg inn bandlagt område (H730) i plankart for mellomaldekyrkjegard på Austrheim (askeladden id 83830-4)

Kommunen må legge følgjande føresegn til § 4.2.6 Bandlagt kulturminne (H730) mellomalderkyrkjegard id 83830-4: *«Mellomalderkyrkjegarden er eit automatisk freda kulturminne. Innanfor mellomalderkyrkjegarden er gravlegging berre tillate i gravfelt som har vore i kontinuerleg bruk etter 1945. Gravfelt som ikkje har vore i bruk etter 1945 skal ikkje brukast til gravlegging eller andre inngrep.»*

«Alle inngrep i grunnen eller andre tiltak som kan verke inn på det automatisk freda kulturminnet er ikkje tillate utan etter dispensasjon frå kulturminnelova. Eventuell søknad om løyve til inngrep skal sendast rette kulturminnestyresmakt, Riksantikvaren, i god tid før arbeidet er planlagt sett i gang. Kostnader knytt til nødvendige undersøkingar og eventuelle arkeologiske utgravingar vert belasta tiltakshavar.»

8. Utvalet for kultur, idrett og regional utvikling har følgjande særskilde merknader når det gjeld kulturminne:
 - Planlagt bustadområde B45 og planlagt næringsområde ved Øksnesmarka N18 har stort potensial for funn av arkeologisk kulturminne. Dette er ikkje tilfredsstillande dekt i konsekvensutgreiinga.
 - Vi saknar ei vurdering av konsekvensane nye byggeområde vil ha for den *Indre farleia - kulturhistoriske landskap av nasjonale interesse*.
 - Nokre nye byggeområde bør ha plankrav for å ta tilstrekkeleg omsyn til kulturminneinteresse i den vidare prosess. Dette gjeld:
 - Bergsvika - tiltak 116 side 30 i KU - NA/SH
 - Austrheimsvågen - tiltak 118 side 38 i KU naust og småbåthamn
9. Utval for kultur, idrett og regional utvikling meiner akvakultur i ikkje er godt nok ivaretatt i planframlegget frå Austrheim kommune. Det er knytt motsegn på følgjande punkt:
 - Akvakulturanlegget ved Øksneset må sikrast tilstrekkeleg areal og tilpassast faktisk plassering.

- Føresegn knytt til regulering av maksimal produksjon på akvakulturområdet ved Trøvika vert teke ut av planen sidan dette er forhold som vert regulert i anna lovverk, der sektorlovverket har tildelings- og tilsynsansvar.
10. Utval for kultur, idrett og regional utvikling har særlege merknader når det gjeld akvakultur:
- Det bør gjerast unnatak i føresegn for at det på akvakulturanlegg kan gjerast alle typar endringar utan krav om reguleringsplan.
 - Det bør takast inn ei føresegn som sikrar utlegging av fortøyingar i område for ferdsel i Hoplandsosen.

PS 30/18 Fråsegn til endring av manøvreringsreglement for Eidfjord Nord utbygginga - Bjoreio - Statkraft Energi AS.

Forslag til innstilling

1. Det må sikrast tilstrekkeleg minstevassføring på anadrom strekning i Bjoreio heile året. Fiskefagleg instans meiner at dette må vera minimum 2m³/s. Dette må prøvast ut inntil endeleg revisjon av konsesjon er utført.
2. Det må sikrast optimal vassstemperatur i vekstsesongen for anadrom fisk med tapping av minstevassføring frå stader der vassstemperaturen i størst mogeleg grad samsvarer med naturleg vassstemperatur for årstida for å få naturleg vekst av fiskeyngelen.
3. Det må sikrast fast vassføring nedfor Tveitafoss kraftverk for å unngå stranding av fiskeungar i dette området.
4. Det må fotodokumenterast at ikkje endra vassføring reduserer synsopplevinga av Vøringsfossen frå dei tilrettelagde turist-utsiktspunkta. Fossen er eit av våre mest kjende fossefall i Noreg og eit «turistikon» som ein må ta vare på.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Fylkesrådmannen sitt forslag vart samrøystes vedteke som innstilling til fylkesutvalet.

Innstilling til fylkesutvalet

1. Det må sikrast tilstrekkeleg minstevassføring på anadrom strekning i Bjoreio heile året. Fiskefagleg instans meiner at dette må vera minimum 2m³/s. Dette må prøvast ut inntil endeleg revisjon av konsesjon er utført.
2. Det må sikrast optimal vassstemperatur i vekstsesongen for anadrom fisk med tapping av minstevassføring frå stader der vassstemperaturen i størst mogeleg grad samsvarer med naturleg vassstemperatur for årstida for å få naturleg vekst av fiskeyngelen.
3. Det må sikrast fast vassføring nedfor Tveitafoss kraftverk for å unngå stranding av fiskeungar i dette området.
4. Det må fotodokumenterast at ikkje endra vassføring reduserer synsopplevinga av Vøringsfossen frå dei tilrettelagde turist-utsiktspunkta. Fossen er eit av våre mest kjende fossefall i Noreg og eit «turistikon» som ein må ta vare på.

PS 31/18 Søknad om ny straumkabel til Storbritannia. Høyringsfråsegn.

Forslag til innstilling

1. Med bakgrunn i relevante mål og strategiar i regional planstrategi og Klimaplan for Hordaland, administrativ høyringsfråsegn til endringar i energilova, brev frå fylkesordføraren til Stortinget om energimeldinga og innspel frå Krauffylka, er Hordaland fylkeskommune positiv til NorthConnect sin søknad om ny straumkabel til Storbritannia.

Slik Hordaland fylkeskommune vurderer det, vil kabelen leggja til rette for at fornybar kraft kan erstatta fossil kraft i Storbritannia, utvida marknaden og skapa betre balanse i kraftforsyninga. Opning for private aktørar som NorthConnect vil kunna føra til fleire prosjekt og eit nett med større kapasitet.

Fylket har stor kompetanse på relevant teknologi for utbygging av samband til utlandet. Slike prosjekt er omfattande og vil kunna skaffa arbeidsplassar i ei tid då arbeidsløysa har vore stigande i mange kommunar.

2. Det må haustast erfaringar frå alle nye kablar mellom Norden og land utanfor før straumkabelen vert tildelt konsesjon.
3. Hordaland fylkeskommune bed om tilleggsutgreiingar som
 - a. Vurderer konsekvensar av tiltaket for norske straumkundar inkl. den kraftkrevjande industrien og kven som skal dekkja kostnadene med utbygginga.
 - b. Vurderer konsekvensar tiltaket vil få for naturmangfaldet i norske vassdrag under effektkøyring.
4. Hordaland fylkeskommune rår til følgjande vilkår for drift av kabelen til Storbritannia:
 - a. Kabelen må ikkje belasta norske nettkundar med kostnader.
 - b. Inntekter frå drift av kabelen må bidra til styrking av det norske sentralnettet.
 - c. Departementet må vurderer dei konkurransemessige konsekvensane av å gje konsesjon til NorthConnect.
 - d. Det må stillast strenge krav til effektkøyring inn mot kabelen slik at naturmangfaldet i vassdraga ikkje vert skadelidande.
 - e. Kommersielle samband til utlandet utfordrar leveringstryggleiken der dei vert etablerte. Det er avgjerande for fylkeskommunen at forsyningstryggleiken i regionen blir prioritert framfor kommersielle behov.
 - f. Det må leggjast fiber i lag med kabelen, som del av infrastrukturutviklinga og for å auke potensialet for lokal verdiskaping.
 - g. Verdiskaping i involverte kommunar må ha prioritet i prosjektet.
5. For å redusera moglege negative verknader av tiltaket rår Hordaland fylkeskommune til følgjande justeringar av planane:
 - a. Omformarstasjonen skal tilpassast omgjevnadene i Simadalen.
 - b. Grunnvassbrunnar som blir forstyrra av tiltaket, må flyttast.
 - c. For å avgrensa støyen nord, vest og aust for omformaranlegget bør det vurderast å flytta transformatorane til sørsida.

- d. Anleggsarbeid i indre del av Hardangerfjorden/Simadalsfjorden bør unngåast under brislingfisket.
- e. Ved konflikt med sårbare marine naturtypar som t.d. korallrev, må kabeltraséen justerast.
- f. Anleggsarbeidet bør gjennomførast etter at hekkesesongen er over. Av omsyn til hekkeplass for vandrefalk bør legging av kabel på slike lokalitetar ikkje gjennomførast i perioden frå mars til mai.
- g. Av omsyn til landskap og friluftsområde for handikappa i nedre del av Simaelva, bør jordkabel mellom omformarstasjonen og koplingsanlegget vurderast. Føresetnaden er at tiltaket ikkje har negative konsekvensar for andadrom fisk i elva. Alternativt er Hordaland fylkeskommune positiv til å opparbeida erstatningsområde andre stader langs elva.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Kjell Håland (A) sette fram slikt forslag:

«Alternativ:

Norsk fornybar kraftproduksjon skal medverka til trygg straumforsyning, auka verdiskaping og sysselsetting i Norge og til å erstatte fossil energi med fornybar energi.

Avgjerder om nye utanlandskablar skal framleis vera ei suveren avgjerd fatta av norske myndigheiter og fylkesutvalet meiner at Statnett skal eiga og drifta alle framtidige mellomlandsforbindelsar og at dette skal takast inn i energilova.

Hordaland har stor verdiskaping med mange arbeidsplassar innan fornybar energiproduksjon og innan krafforedlande industri. Fylkestinget er difor opptekne av at det må det stillast strenge krav til framtidig nasjonal styring og kontroll av produksjon og distribusjon av denne energien.

Ein sjøkabel frå Eidfjord til Storbritannia kan isolert sett vera positiv for vasskraftprodusentar i regionen men det er stor usikkerheit til kva verknader ein slik kabel kan få for framtidig styring og regulering av denne energiressursen og for straumprisen til vanlige hushaldningar og til norsk industri.

På denne bakgrunn vil fylkesutvalet tilrå at ein fyrst må evaluera erfaringane med dei to utanlandskablane som allereie er under bygging før ein kan vurdere bygging av nye utanlandskablar.»

Røysting

Fylkesrådmannen sitt forslag vart vedteke som innstilling til fylkesutvalet med 7 røyster (med utvalsleiaren si røyst) mot 6 røyster (A, Sp) for Håland sitt forslag.

Innstilling til fylkesutvalet

1. Med bakgrunn i relevante mål og strategiar i regional planstrategi og Klimaplan for Hordaland, administrativ høyringsfråsegn til endringar i energilova, brev frå fylkesordføraren til Stortinget om energimeldinga og innspel frå Kraftfylka, er Hordaland fylkeskommune positiv til NorthConnect sin søknad om ny straumkabel til Storbritannia.

Slik Hordaland fylkeskommune vurderer det, vil kabelen leggja til rette for at fornybar kraft kan erstatta fossil kraft i Storbritannia, utvida marknaden og skapa betre balanse i krafftorsyninga. Opning for private aktørar som NorthConnect vil kunna føra til fleire prosjekt og eit nett med større kapasitet.

Fylket har stor kompetanse på relevant teknologi for utbygging av samband til utlandet. Slike prosjekt er omfattande og vil kunna skaffa arbeidsplassar i ei tid då arbeidsløysa har vore stigande i mange kommunar.

2. Det må haustast erfaringar frå alle nye kablar mellom Norden og land utanfor før straumkabelen vert tildelt konsesjon.
3. Hordaland fylkeskommune bed om tilleggsutgreiingar som
 - a. Vurderer konsekvensar av tiltaket for norske straumkundar inkl. den kraftkrevjande industrien og kven som skal dekke kostnadene med utbygginga.
 - b. Vurderer konsekvensar tiltaket vil få for naturmangfaldet i norske vassdrag under effektkøyring.
4. Hordaland fylkeskommune rår til følgjande vilkår for drift av kabelen til Storbritannia:
 - a. Kabelen må ikkje belasta norske nettkundar med kostnader.
 - b. Inntekter frå drift av kabelen må bidra til styrking av det norske sentralnettet.
 - c. Departementet må vurdere dei konkurransemessige konsekvensane av å gje konsesjon til NorthConnect.
 - d. Det må stillast strenge krav til effektkøyring inn mot kabelen slik at naturmangfaldet i vassdraga ikkje vert skadelidande.
 - e. Kommersielle samband til utlandet utfordrar leveringstryggleiken der dei vert etablerte. Det er avgjerande for fylkeskommunen at forsyningstryggleiken i regionen blir prioritert framfor kommersielle behov.
 - f. Det må leggjast fiber i lag med kabelen, som del av infrastrukturutviklinga og for å auke potensialet for lokal verdiskaping.
 - g. Verdiskaping i involverte kommunar må ha prioritet i prosjektet.
5. For å redusera moglege negative verknader av tiltaket rår Hordaland fylkeskommune til følgjande justeringar av planane:
 - a. Omformarstasjonen skal tilpassast omgjevnadene i Simadalen.
 - b. Grunnvassbrunnar som blir forstyrra av tiltaket, må flyttast.
 - c. For å avgrensa støyen nord, vest og aust for omformaranlegget bør det vurderast å flytta transformatorane til sørsida.
 - d. Anleggsarbeid i indre del av Hardangerfjorden/Simadalsfjorden bør unngåast under brislingfisket.
 - e. Ved konflikt med sårbare marine naturtypar som t.d. korallrev, må kabeltraséen justerast.
 - f. Anleggsarbeidet bør gjennomførast etter at hekkesesongen er over. Av omsyn til hekkeplass for vandrefalk bør legging av kabel på slike lokalitetar ikkje gjennomførast i perioden frå mars til mai.
 - g. Av omsyn til landskap og friluftsområde for handikappa i nedre del av Simaelva, bør jordkabel mellom omformarstasjonen og koplingsanlegget vurderast. Føresetnaden er at tiltaket ikkje har negative konsekvensar for andadrom fisk i elva. Alternativt er Hordaland fylkeskommune positiv til å opparbeida erstatningsområde andre stader langs elva.

PS 32/18 Northern Lights - fråsegn til program for konsekvensutgreiing

Forslag til innstilling

1. Hordaland fylkeskommune er positive til etablering av eit anlegg for mottak og transport av CO₂ i fylket.
2. Det eksisterer i dag ikkje ein marknad for karbonfangst og etablering av ein slik verdikjede vil krevje nye verkemidlar, insentiv og reguleringar for å bli økonomisk berekraftig. Det er viktig at ein i konsekvensutgreiinga utforskar kva forretningsmodellar og verkemiddelapparat som gjer tiltaket gjennomførbart og dupliserbart.
3. Tiltaket vil gjere det mogleg å redusere utslepp frå eksisterande industri og opne dører for etablering av ny industri og utvikling av ny teknologi. Konsekvensutgreiinga bør innehalde utgreiingar av dei direkte nærings- og samfunnsmessige ringverknadane av eit CCS-anlegg og ringverknadane i eit utvida perspektiv, nasjonalt og globalt.
4. Eit av alternativa for transport av CO₂ er å nytte delar eksisterande rørledning mellom Kollsnes og Mongstad. Dette kan få konsekvensar for framtidig industriutvikling på Mongstad. Desse konsekvensane må utgreiast dersom eit slikt alternativ er aktuelt.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Fylkesrådmannen sitt forslag vart samrøystes vedteke som innstilling til fylkesutvalet.

Innstilling til fylkesutvalet

1. Hordaland fylkeskommune er positiv til etablering av eit anlegg for mottak og transport av CO₂ i fylket.
2. Det eksisterer i dag ikkje ein marknad for karbonfangst og etablering av ein slik verdikjede vil krevje nye verkemidlar, insentiv og reguleringar for å bli økonomisk berekraftig. Det er viktig at ein i konsekvensutgreiinga utforskar kva forretningsmodellar og verkemiddelapparat som gjer tiltaket gjennomførbart og dupliserbart.
3. Tiltaket vil gjere det mogleg å redusere utslepp frå eksisterande industri og opne dører for etablering av ny industri og utvikling av ny teknologi. Konsekvensutgreiinga bør innehalde utgreiingar av dei direkte nærings- og samfunnsmessige ringverknadane av eit CCS-anlegg og ringverknadane i eit utvida perspektiv, nasjonalt og globalt.
4. Eit av alternativa for transport av CO₂ er å nytte delar eksisterande rørledning mellom Kollsnes og Mongstad. Dette kan få konsekvensar for framtidig industriutvikling på Mongstad. Desse konsekvensane må utgreiast dersom eit slikt alternativ er aktuelt.

PS 33/18 Prioritering av søknader om tilskot til statleg sikring av friluftsområder 2017 (Kap.1420 post 30)

Forslag til vedtak

Utval for kultur, idrett og regional utvikling tilrår at Miljødirektoratet gjer vedtak om sikring av friluftsområde i følgjande prioriterte rekkefølge:

	Namn på søker	Kommune	Tiltak	Tilrådd støtta med kr
1	Friluftsrådet Vest	Bømlo	Siggjo p-plass	840 000
2	Friluftsrådet Vest	Bømlo	Siggjo tursti	162 000

3	Samnanger kommune	Samnanger	Bjørkheim badevik	0
---	-------------------	-----------	-------------------	---

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Fylkesrådmannen sitt forslag vart samrøystes vedteke.

Vedtak

Utval for kultur, idrett og regional utvikling tilrår at Miljødirektoratet gjer vedtak om sikring av friluftsområde i følgjande prioriterte rekkefølge:

	Namn på søkjar	Kommune	Tiltak	Tilrådd støtte med kr
1	Friluftsrådet Vest	Bømlo	Siggjo p-plass	840 000
2	Friluftsrådet Vest	Bømlo	Siggjo tursti	162 000
3	Samnanger kommune	Samnanger	Bjørkheim badevik	0

PS 34/18 Tilskot til freda kulturminne i privat eige, kulturmiljø og kulturlandskap i Hordaland. Fordeling 2018

Forslag til vedtak

1. Utval for kultur, idrett og regional utvikling fordeler tilskot til freda kulturminne i privat eige, kulturmiljø og kulturlandskap slik:

Nr.	Søkjar	Objektnamn	Tildeling	Førehands-tilsegn 2019
1	Ludvig Korsøen (Jan-Helge Krossøy)	Sjøbu på Krossøy (ID 5)	30 000	
2	Ludvig Korsøen (Jan-Helge Krossøy)	Naust Krossøy (ID 1)	75 000	
3	Stiftelsen Espeland fangeleir	Pumpehus Espeland fangeleir	210 000	
4	Stiftelsen Fjelberg prestegard	Fjelberg prestegard, hovudhuset	100 000	150 000
5	Krigsveteranenes minne Kronstad hovedgård	Kronstad hovedgård, stallen	700 000	300 000
6	Stiftinga Fjell Festning	Fjell festning, fjellanlegget	200 000	
7	Christinegaard hovedgaard AS	Christinegård, hovudbygning	400 000	150 000
8	Christinegaard hovedgaard AS	Christinegård, hagemuren	500 000	600 000
9	Christinegaard hovedgaard AS	Christinegård, driftsbygning	400 000	
10	Christa Haake von Erpecom	Lysekloster kapell	65 000	
11	Gerdt Meyer Bruun AS	Reperbanen Fjøsanger	500 000	750 000
12	Venelaget for slepa ml. Osa og Hallingskeid	Slepa mellom Osa og Hallingskeid	Avslag	
13	Stiftinga Hesthamar skrivargard	Hesthamar Skrivargard	200 000	
14	Eirik Øvreeide	Rekvemylna	200 000	50 000
15	Stiftinga Herand Aktiesagbrug	Herand oppgangssag	100 000	
16	Lindåsslusene c/o Ragnhild T. Langøy	Lindåsslusene, sluseplattung med skur	300 000	50 000
17	Arnt Rune Trohjell	Toskedalsstova	700 000	250 000
18	Jon Geir Høyersten	Bakeriet til Broch-huset	75 000	
19	Norsk Vasskraft- og Industristadmuseum	Odda Smelteverk, smia	250 000	250 000
20	Stig Fredheim	Tørrmura naust frå 1580	350 000	150 000
21	Anne-Margrete Konow Lund	Sophies Minde	280 000	

22	Anne-Margrete Konow Lund	Sophies Minde, hagen	20 000	
23	Stiftelsen Agatunet	Lensmannstova, Aga	350 000	
24	Geir Sundal	Melands/Olsa-floren, Havrå	Avslag	
25	Aslaug Jorunn Nestås	Yståstunet, glasstove (ID 3)	67 000	
26	Aslaug Jorunn Nestås	Yståstunet, stabbur (ID 7)	25 000	
27	Aslaug Jorunn Nestås	Yståstunet, røykstove/mosstove (ID 5)	50 000	
28	Sandviksveien 60 og 62 AS	Mesterhuset	700 000	400 000
29	Øystein Os Simonsen for Kari Os Eskeland	Slira vokterbustad	750 000	
30	Bymuseet i Bergen	Alvøen hovedgård, hovedbygning	60 000	
31	SNU ved Karstein Bremnes	Odda Smelteverk, omn 3	700 000	900 000
32	Anders Haaland	Brødretomten	300 000	
33	EIUT AS	Slettebakken hovedgård, hovudbyggn.	244 000	
34	Leif Havre	Havrå, bruk 8, 10, 11	130 000	
35	Helene M. Kjærland	Havrå, bruk 3	220 000	
36	Museumssenteret i Hordaland	Havrå, bruk 2, 4, 6, 8, 9	2 200 000	
37	Geir Sundal	Havrå, bruk 5, 7, 12	400 000	
38	Museumssenteret i Hordaland	Lyngheisenteret på Lygra	600 000	

2. Utval for kultur, idrett og regional utvikling sluttar seg til at prosjektmidlar tildelt i 2016 vert nytta til ei forvaltingsplan for Havrå kulturmiljø, samt til kurs, fagsamlingar og mindre dokumentasjonstiltak knytt til tradisjonshandverk og byggjeskikk i Hordaland. Utvalet gjev administrasjonen fullmakt til nærare fordeling av prosjektmidlane.
3. Dersom nokre av tiltaka ikkje let seg gjennomføre i tråd med føresetnadene for tildelinga, gjev Utval for kultur, idrett og regional utvikling administrasjonen høve til å omfordele midlane til andre av dei omsøkte tiltaka.

Saksprotokoll i utval for kultur, idrett og regional utvikling - 20.03.2018

Kari Foseid Aakre (A) stilte spørsmål om ho var inhabil fordi ho er nestleiar i Museumssenteret Hordaland. Aakre gjekk frå under vurderinga av spørsmålet om ho var inhabil. Utval for kultur, idrett og regional utvikling vedtok samrøystes at Kari Foseid Aakre var inhabil, jf. forvaltningslova § 6, 1. ledd e.

Kari Foseid Aakre gjekk frå under behandlinga av saka. Det var 11 representantar til stades.

Fylkesrådmannen sitt forslag vart samrøystes vedteke.

Vedtak

1. Utval for kultur, idrett og regional utvikling fordeler tilskot til freda kulturminne i privat eige, kulturmiljø og kulturlandskap slik:

Nr.	Søkjar	Objektnamn	Tildeling	Førehands-tilsegn 2019
1	Ludvig Korsøen (Jan-Helge Krossøy)	Sjøbu på Krossøy (ID 5)	30 000	
2	Ludvig Korsøen (Jan-Helge Krossøy)	Naust Krossøy (ID 1)	75 000	
3	Stiftelsen Espeland fangeleir	Pumpehus Espeland fangeleir	210 000	
4	Stiftelsen Fjelberg prestegard	Fjelberg prestegard, hovudhuset	100 000	150 000
5	Krigsveteranenes minne Kronstad hovedgård	Kronstad hovedgård, stallen	700 000	300 000
6	Stiftinga Fjell Festning	Fjell festning, fjellanlegget	200 000	
7	Christinegaard hovedgaard AS	Christinegård, hovudbygning	400 000	150 000
8	Christinegaard hovedgaard AS	Christinegård, hagemuren	500 000	600 000
9	Christinegaard hovedgaard AS	Christinegård, driftsbygning	400 000	
10	Christa Haake von Erpecom	Lysekloster kapell	65 000	
11	Gerdt Meyer Bruun AS	Reperbanen Fjøsanger	500 000	750 000

12	Venelaget for slepa ml. Osa og Hallingskeid	Slepa mellom Osa og Hallingskeid	Avslag	
13	Stiftinga Hesthamar skrivargard	Hesthamar Skrivargard	200 000	
14	Eirik Øvreeide	Rekvemylna	200 000	50 000
15	Stiftinga Herand Aktiesagbrug	Herand oppgangssag	100 000	
16	Lindåsslusene c/o Ragnhild T. Langøy	Lindåsslusene, sluseplating med skur	300 000	50 000
17	Arnt Rune Trohjell	Toskedalsstova	700 000	250 000
18	Jon Geir Høyersten	Bakeriet til Broch-huset	75 000	
19	Norsk Vasskraft- og Industristadmuseum	Odda Smelteverk, smia	250 000	250 000
20	Stig Fredheim	Tørrmura naust frå 1580	350 000	150 000
21	Anne-Margrete Konow Lund	Sophies Minde	280 000	
22	Anne-Margrete Konow Lund	Sophies Minde, hagen	20 000	
23	Stiftelsen Agatunet	Lensmannstova, Aga	350 000	
24	Geir Sundal	Melands/Olsa-floren, Havrå	Avslag	
25	Aslaug Jorunn Nestås	Yståstunet, glasstove (ID 3)	67 000	
26	Aslaug Jorunn Nestås	Yståstunet, stabbur (ID 7)	25 000	
27	Aslaug Jorunn Nestås	Yståstunet, røykstove/mosstove (ID 5)	50 000	
28	Sandviksveien 60 og 62 AS	Mesterhuset	700 000	400 000
29	Øystein Os Simonsen for Kari Os Eskeland	Slira voktarbustad	750 000	
30	Bymuseet i Bergen	Alvøen hovedgård, hovedbygning	60 000	
31	SNU ved Karstein Bremnes	Odda Smelteverk, omn 3	700 000	900 000
32	Anders Haaland	Brødretomten	300 000	
33	EIUT AS	Slettebakken hovedgård, hovudbyggn.	244 000	
34	Leif Havre	Havrå, bruk 8, 10, 11	130 000	
35	Helene M. Kjærland	Havrå, bruk 3	220 000	
36	Museumssenteret i Hordaland	Havrå, bruk 2, 4, 6, 8, 9	2 200 000	
37	Geir Sundal	Havrå, bruk 5, 7, 12	400 000	
38	Museumssenteret i Hordaland	Lyngheisenteret på Lygra	600 000	

2. Utval for kultur, idrett og regional utvikling sluttar seg til at prosjektmidlar tildelt i 2016 vert nytta til ei forvaltingsplan for Havrå kulturmiljø, samt til kurs, fagsamlingar og mindre dokumentasjonstiltak knytt til tradisjonshandverk og byggjeskikk i Hordaland. Utvalet gjev administrasjonen fullmakt til nærare fordeling av prosjektmidlane.
3. Dersom nokre av tiltaka ikkje let seg gjennomføre i tråd med føresetnadene for tildelinga, gjev Utval for kultur, idrett og regional utvikling administrasjonen høve til å omfordele midlane til andre av dei omsøkte tiltaka.

PS 35/18 Ny tilskotsordning for elitekorps - innretting og kriteria

Forslag til vedtak

1. Utval for kultur, idrett og regional utvikling slutter seg til innretting og kriteria for ny søknadsordning for elitekorps slik dei ligg føre i vedlegget til saka.
2. Utvalet slutter seg til utrekningsmodellen for reisestøtte slik den er lagt fram i saka.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Beate Husa (KrF) sette fram slikt forslag:

«Nytt punkt 3:

Utvalet ber om at denne ordninga blir evaluert etter eitt år.»

Røysting

Fylkesrådmannen sitt forslag vart samrøystes vedteke.
Husa sitt forslag vart samrøystes vedteke.

Vedtak

1. Utval for kultur, idrett og regional utvikling slutter seg til innretting og kriteria for ny søknadsordning for elitekorps slik dei ligg føre i vedlegget til saka.
2. Utvalet slutter seg til utrekningsmodellen for reisestøtte slik den er lagt fram i saka.
3. Utvalet ber om at denne ordninga blir evaluert etter eitt år.

PS 36/18 Handlingsplan cruisestrategi for Vestland fylka 2018-2020

Forslag til innstilling

Hordaland fylkeskommune sluttar seg til «Handlingsplan cruise for Vestland fylka 2018-2020»

Saksprotokoll i utval for miljø og samferdsel - 14.03.2018

Iiril Schau Johansen (H) sette fram slikt forslag:

«Tillegg:

Planen bør ta inn følgjande punkt under 1. innsatsområde miljø og klima:

Tiltak:

Følgje opp § 2 i Forskrift om fartsbegrensninger i sjø, elv og innsjø, for å sikre at det ikkje ved bølgeslag eller på annan måte oppstår erosjon på strandlinje.»

Marthe Hammer (SV) sette fram slikt forslag:

«Tillegg:

1. Arbeide for at det vert etablert lade- og landstraum til cruiseskip i regionen.
2. Støtte hamnene sitt arbeid med å sikre betre spreining av trafikken, ved for eksempel å innføre avgrensing i talet på besøkande/skip per dag. I dette ligg ei heilskapsvurdering av dei tilreisande inkludert landbasert trafikk.
3. Arbeide for at spreining av framande arter vert forhindra ved å etablere ein felles politikk for skutevask.»

Natalie Golis (MDG) sette fram slikt forslag:

«Stryke punktet:

Greie ut om ein skal leggje til rette for landstraum eller anna form for ikkje-fossil energibruk i regionen.

Stryke punktet:

Oppmode om at det vert sett i verk ei nasjonal utgreiing med konkrete tilrådingar til kva type energibruk som vil vere framtida for cruisenæringa.»

Geir Angeltveit (V) sette på vegner av V fram slikt oversendingsforslag til fylkesrådmannen:

«Det er viktig å få avklart kven som har initiativansvar for dei ulike tiltaka.»

Røysting

Fylkesrådmannen sitt forslag vart samrøystes vedteke som innstilling til fylkesutvalet. Johansen sitt forslag fekk 10 røyster (H, MDG, V, KrF, Sp, 2A) og vart vedteke som innstilling til fylkesutvalet.

Hammer sitt forslag punkt 1 vart vedteke som innstilling til fylkesutvalet mot 5 røyster (H, Frp).

Hammer sitt forslag punkt 2 vart vedteke som innstilling til fylkesutvalet mot 2 røyster (Frp).

Hammer sitt forslag punkt 3 vart vedteke som innstilling til fylkesutvalet mot 2 røyster (Frp).

Golis sitt forslag fekk 2 røyster (MDG, SV) og fall.

Angeltveit sitt forslag vart samrøystes vedteke oversendt på vegner av forslagsstillaren utan realitetsbehandling.

Innstilling til fylkesutvalet

1. Hordaland fylkeskommune sluttar seg til «Handlingsplan cruise for Vestlandfylka 2018-2020».

2. Planen bør ta inn følgjande punkt under 1. innsatsområde miljø og klima:

Tiltak:

Følgje opp § 2 i Forskrift om fartsbegrensninger i sjø, elv og innsjø, for å sikre at det ikkje ved bølgeslag eller på annan måte oppstår erosjon på strandlinje.

3. Arbeide for at det vert etablert lade- og landstraum til cruiseskip i regionen.

4. Støtte hamnene sitt arbeid med å sikre betre spreining av trafikken, ved for eksempel å innføre avgrensing i talet på besøkande/skip per dag. I dette ligg ei heilskapsvurdering av dei tilreisande inkludert landbasert trafikk.

5. Arbeide for at spreining av framande arter vert forhindra ved å etablere ein felles politikk for skutevask.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

May-Eva Sandvik (H) sette fram slikt forslag:

«Tillegg:

Planen bør ta inn følgjande punkt under 1. innsatsområde miljø og klima:

Tiltak:

Følgje opp § 2 i Forskrift om fartsbegrensninger i sjø, elv og innsjø, for å sikre at det ikkje ved bølgeslag eller på annan måte oppstår erosjon på strandlinje.»

Geir Kjell Andersland (V) sette fram slikt forslag (a):

«Tillegg:

1. Arbeide for at det vert etablert lade- og landstraum til cruiseskip i regionen.

2. Støtte hamnene sitt arbeid med å sikre betre spreining av trafikken, ved for eksempel å innføre avgrensing i talet på besøkande/skip per dag. I dette ligg ei heilskapsvurdering av dei tilreisande inkludert landbasert trafikk.

3. Arbeide for at spreining av framande arter vert forhindra ved å etablere ein felles politikk for skutevask.»

Geir Kjell Andersland (V) sette på vegner av V fram slikt oversendingsforslag til fylkesrådmannen (b):

«Det er viktig å få avklart kven som har initiativansvar for dei ulike tiltaka.»

Røysting

Fylkesrådmannen sitt forslag vart samrøystes vedteke som innstilling til fylkesutvalet.
Sandvik sitt forslag vart vedteke som innstilling til fylkesutvalet mot 1 røyst (Frp).
Andersland sitt forslag (a) vart vedteke som innstilling til fylkesutvalet mot 1 røyst (Frp).
Andersland sitt forslag (b) vart samrøystes vedteke oversendt på vegner av forslagsstillaren utan realitetsbehandling.

Innstilling til fylkesutvalet

1. Hordaland fylkeskommune sluttar seg til «Handlingsplan cruise for Vestlandsfylka 2018-2020».
2. Planen bør ta inn følgjande punkt under 1. innsatsområde miljø og klima:

Tiltak:
Følgje opp § 2 i Forskrift om fartsbegrensninger i sjø, elv og innsjø, for å sikre at det ikkje ved bølgeslag eller på annan måte oppstår erosjon på strandlinje.
3. Arbeide for at det vert etablert lade- og landstraum til cruiseskip i regionen.
4. Støtte hamnene sitt arbeid med å sikre betre spreining av trafikken, ved for eksempel å innføre avgrensing i talet på besøkande/skip per dag. I dette ligg ei heilskapsvurdering av dei tilreisande inkludert landbasert trafikk.
5. Arbeide for at spreining av framande arter vert forhindra ved å etablere ein felles politikk for skutevask.

PS 37/18 Kjelda - eit digitalt innhaldsprosjekt

Forslag til vedtak

1. Utval for kultur, idrett og regional utvikling tek saka til vitande.
2. Kr 100 000 på fylkesbiblioteket sitt budsjett, blir omdisponert til andre bibliotekprosjekt.

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Fylkesrådmannen sitt forslag vart samrøystes vedteke.

Vedtak

1. Utval for kultur, idrett og regional utvikling tek saka til vitande.
2. Kr 100 000 på fylkesbiblioteket sitt budsjett, blir omdisponert til andre bibliotekprosjekt.

PS 38/18 Fordeling av midlar til modellbibliotek I Hordaland 2018

Forslag til vedtak

1	Kr 100 000 under kapittel 400.340 Bibliotekprosjekt, vert omdisponert til styrking av modellbibliotekprogrammet. Midlane skal nyttast til innkjøp av interiørarkitekttenester.
2.	Masfjorden og Sveio kommune får løyving på kr 100 000 til utvikling av biblioteklokale etter søknad.
3.	Masfjorden, Sveio og Voss kommunar får støtte til interiørarkitekttenester.

4.	Os kommune og Voss kommune får avslag på søknad.
----	--

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Beate Husa (KrF) sette fram slikt forslag:

«Endring punkt 2:

Setje inn ordet «kvar» etter 100 000.

Tillegg punkt 3:

Same ordlyd, men med eit tillegg: - innafor ei ramme på 100 000 kr.»

Røysting

Fylkesrådmannen sitt forslag med Husa sitt forslag vart samrøystes vedteke.

Vedtak

1. Kr 100 000 under kapittel 400.340 Bibliotekprosjekt, vert omdisponert til styrking av modellbibliotekprogrammet. Midlane skal nyttast til innkjøp av interiørarkitekttenester.
2. Masfjorden og Sveio kommune får løyving på kr 100 000 kvar til utvikling av biblioteklokale etter søknad.
3. Masfjorden, Sveio og Voss kommunar får støtte til interiørarkitekttenester innafor ei ramme på 100 000 kr.
4. Os kommune og Voss kommune får avslag på søknad.

PS 39/18 Evaluering av bokbåtenesta

Forslag til vedtak

1. Utval for kultur, idrett og regional utvikling bed om at fylkesrådmannen gjennomfører ei evaluering av bokbåtenesta. Evalueringa skal gjere greie for om bokbåten si verksemd har vore i samsvar med vedtekne intensjonar og korleis bokbåten som bibliotek og formidlingsarena har utvikla seg.
2. Utval for kultur, idrett og regional utvikling ber om at evalueringa vert samordna med prosess i Møre og Romsdal fylkeskommune

Saksprotokoll i utval for kultur, idrett og regional utvikling - 20.03.2018

Det var 12 representantar til stades.

Fylkesrådmannen sitt forslag vart samrøystes vedteke.

Vedtak

1. Utval for kultur, idrett og regional utvikling ber om at fylkesrådmannen gjennomfører ei evaluering av bokbåtenesta. Evalueringa skal gjere greie for om bokbåten si verksemd har vore i samsvar med vedtekne intensjonar og korleis bokbåten som bibliotek og formidlingsarena har utvikla seg.
2. Utval for kultur, idrett og regional utvikling ber om at evalueringa vert samordna med prosess i Møre og Romsdal fylkeskommune

PS 40/18 Ymse

Saksprotokoll i utval for kultur, idrett og regional utvikling - 20.03.2018

PRESENTASJONAR

Orientering om kommuneplanen sin arealdel. Jf. PS 29/18 «Kommuneplanen sin arealdel i Austrheim kommune 2017-2027. Andre gongs høyring.» Austrheim kommune v/avdelingsleiar Asbjørn Nagell Toft, ordførar Per Lerøy og jurist/byggjesaksbehandlar Thomas Lindås. Aksjonsgruppa «Nei til rasering av Øksnesmarka og Åråsvågen» v/Monika Øksnes og Odd Øksnes presenterte sine synspunkt.

Per Morten Ekerhovd, kst. fylkesdirektør kultur og idrett orienterte om «Ekspertutvalet: Nye kulturoppgåver til fylkeskommunane».

SYNFARINGAR

Ordførar i Austrheim, Per Lerøy orienterte mellom anna om vegstandarden på fylkesvegane i Lindås, Radøy og Austrheim.

Utval for kultur, idrett og regional utvikling var på synfaring i Øksnesmarka. Også Mastrevik, Toftegård og Vardetangen vart vitja.

ANNA

Utvalseleiaren oppmoda utval for kultur, idrett og regional utvikling om å delta på 7-fjellsturen 27. mai.